



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Batavia, Sive De Antiqvo Veroqve Eivs Insvlae Qvam
Rhenvs in Hollandia facit situ, descriptione & laudibus;
aduersus Gerardvm Noviomagvm, Libri Dvo**

Aurelius, Cornelius

Antverpiæ, 1586

Gens Batavorvm, Amici Et Fratres Romani Imperii.

urn:nbn:de:hbz:466:1-38123

GENS BATAVORVM, AMICI ET FRATRES ROMANI IMPERII.

Hæc facilè inscriptio ibi quām maximè declarat esse Batauiam vbi olim stetit & nunc tandem nostra ætate reperta est. Credo igitur te quisquis es, tantis testibus & tantis rerum monumentis ita obrutum, confutatumque esse ipsa etiam veritate, ut nihil posthac repugnare, nihil ultra quærere meritò debeas.

Epigramma tumultuarium & ex-temporale in eundem.

Hincere nū contra perges? Non, cedere fas est.

Credere & his veteres quæ posuere patres.

Si tibi profuerint quæ scribimus; ito, valeq;

Sin minus, est mecum pugna gerenda. caue.

Sæuit Aurelius, grandemq; ardescet in iram vlexurgat

Carmine, bile, silo, Thessiadumq; manu.

Inuocat auxilium omnium literatorum.

Arma buc ô Musæ, vos buc Heliconides arma

Conserite; inq; spatas perfidus hostis eat.

C 3

Ferte

Ferte arma Aonides, si non resipiscere curat,
Pellite eum è castris, siat asellus iners.

Batauus ad Batuanum.

Horum acies ponenda tibi: iam iamq; videbis
Me cataphractatum, qui pedes antè fui.
Aut cede, et nostris tandem coniungere castris,
Aut metue, & fugito. Nam tibi tela paro.

Inuenta demum citra omnem controvërsiam
Batauia: quanto eam habitatores amore co-
luerint, quantaque illustrarint virtute,
nunc pariter audiamus.

C A P V T VI.

CORNELIUS quem Tacitum cognoscunt, habito iam sine omni hæsitatione Batauiæ loco, de loci eiusdem incolis, sua quidem sententia, sed nostris nobis loquatur verbis. Qua videlicet in hostes virtute, qua in amicos fide & gratia, quo denique in patriam amore fuerint, quām paucissimis repetemus. Nam mores & vitæ eorum instituta proprium sibi codicem postulant & morantur. Arcem igitur illam (cuius iam iamque monimenta, & ut verius dicam, reliquias & fragmenta ostendimus) Vitellius inferioris Germaniæ sub Nerone princeps

princeps gubernans, communiter & pacificè cum Batavis agebat. Claudium Ciulem gentis primorem charum habebat ex animo; eratque viro comiter inclinatus. Præterea omnibus ciuiliter præcessit, cum æquilibus cursu certare, iaculari, obequitare, venari, cunctisque gratus esse. Cuius rei gratia, suorumque precibus, Ciulis vir sanè quam regia stirpe, nostrisque prouocatus, filio Romanis principis filiam suam dedit vxorem. ea demum ratione, ut communibus populi sui rebus ingenuè consuleretur, & pacem cum Romanis perennem haberet. Hoc Latini fœdere non parum erecti, cœperunt in terra non sua nequiter agere; genium vi- no, iocisque curare, colonos opprimere, incautis insidiari, aliena rapere & calumniari. Deinde, quæ sua illis natura est, studere auaritiæ, luxuque omnia fœdare; impuberes forma conspicuos, & quæ plerisque nostratiū est, proceræ pueritia, in naturæ dedecus ad stuprum trahere, & ingenuam iuuentutem ad delectum vocitare. His citissimè Cladius cognitis, suorumque fortunæ misserens, & ab infandi sceleris haud minimè abhorrens turpitudine, primores gentis suæ, & promptissimos quosque vulgi, quasi specie epularum, Sacrum in nemus vocitabat.

C 4

Vbi

Vbi cum eos mero & lætitia incaluisse vi-
det, à gloria laudeque patria orsus; iniurias,
raptus, & cetera seruitij mala enumerat: ne-
que sese iam à Romanis socios, vt olim, sed
tanquam vilia haberi mancipia. Insuper in-
stare propediem delectum, quo liberi à pa-
rentibus, fratres à fratribus, mariti ab vxori-
bus veluti supremū diuidantur. Emori
præstare per virtutem, quām hanc miseram
vitam atque inhonestam, vbi alienæ super-
biæ ludibrio simus, diutius sustinere. Magno
cum assensu auditus Ciuilis, vniuersos sibi
adigit. Missi ad proximos Caninefates sunt
qui consilia sociarent; statimque accitis Fri-
xiis qui mox nauigiis ad arcem Britonum
appulerant, repente Ciuilis armarapit; idem-
que ceteri facere. Quid multis? Incautum
Vitellij filium (nam ille, tum agebat Ma-
guntiæ) nec de commeatu satis prouisum,
vt qui amicitiæ gratia nihil tale suspicaretur,
in castro (Arcem dicunt Romanorum) pro-
pe Leidas inopinata premunt obsidione, &
hostiliter circumuallant. Eiecto post alte-
rum diem ab arce, præses nocte concubia
nuncio patri Ciuilis temeritatē scribit; qua
neque staret conuentis, neque geniali thoro
quicquam deferret; oratumque mittit, vt si
sibi suæque posteritati bene consultum esse
cupiat

cupiat, sine mora descenderet liberare filium suum strictissimè obsessum. Nuntius in itinere Traiectum versus à Batauis interceptus, ad Claudium reducitur; literas roga-
tur, & offert, omneque negotium coram profitetur. Tum Ciuilis ad præsidis tabel-
lionem ita refert, dicens: Ecce literas do-
mini tui integras tibi reddimus; Vnde ocyus,
ne steris. extreum enim Vitellij pericu-
lum simulque nostrum nunc agitur. In-
tereā auspicandum nobis est, ut qui pluri-
mum debemus virtuti; quid etiam fortunæ
si adsit, debeamus innotescat; quam nemo
vnquam mortaliū diu in potestate habuit.
Hæc & alia huiuscemodi vbi Claudius di-
xerat, post præsidis nuntium, & ipse versus
Vbios & Rheni accolás mittit; orans vt sal-
tem Vitellij iter & descensum suo equitatu-
retardent, & transitu coërceant. Nam tum
Coloniensibus etiam hostis erat. Se interim
suo periculo in commune libertati consul-
turum, ipsum se huius præclari facinoris ca-
put & principem gerere; neque milita-
rem sine duce turbam aliud quicquam esse
quàm corpus sine spiritu. Quare sibi inpri-
mis capta oportunitate consulerent; deinde
amicis in necessitate non deessent. Vnam
omnium esse sententiam, Romanos omnes

C 5

è Ger-

è Germania propellere; libertatem natura omnibus etiam mutis animantibus datam; virtutem verò proprium hominis bonum; deosque fortioribus semper adesse.

Audita est huiusmodi Civilis oratio ab Agrippinensibus cum omnium silentio & assensu; transitumque Vitellianis non permisere. Interea praefectus arcis Romanæ (quam tum Claudius noster cum suis occupauerat) spe venturi patris destitutus, ac interim annonæ attritus inopia, se suamque supelleculam pacto redimens, arcem Civili aperuit; sicque nostris nullo sanguine & vulneribus victoria stetit. Deinde confestim duarum cohortium hiberna proximè Oceanum irrumpunt, nomenque Romanum quaquà versum ab insula sua propellunt.
 » Nullum etenim mare tantos concitat flumus,
 » quantos multitudo libertate luxurians
 » habet motus. Hæc ubi Romæ audiuntur, lugere omnes, Vitellij iniuria & libidine Batauos fratres & amicos Imperij à se tandem desciuisse. Quare mox illum iussu Vespasiani accitum, Tiberinis immersere vorticibus; quod suæ studens auaritiae, fidissimos Imperij socios, sua etiam petulantia Imperio abrupisset. Ecce tanto Claudius Civilis pro patria succensus est amore, ut se

vltro

vltro cum suis Batauis, eatenus periculo exposuerit, quatenus detestabile crimen vlciscens, de medio suorum tolleret. tametsi omnes sui tributorum expertes erant, viros tantum & arma Imperio ministrantes.

*Quæ Bataui Imperio beneficia præstitere,
& quæ illis vicißim Imperium præstitit.*

CAPVT VIII.

GAUDE nunc igitur in sinu ô felix Bataua, quæ tales produxisti viros quibus Romanum haud minimè sustentabatur Imperium; & qui rursum in multis decorati sunt ab Imperio. Tanti enim ab Imp. pri scæ ætatis habitu sunt, ut sine illis nullum extra urbem armigeri Martis subire tentauerint periculum. Hi sunt quippe Bataui, qui ablatam Neroni Italiam restituere. hi sunt qui Vespasiano diu deliberanti, amicitiæ gratia Imperium adegere. Hi sunt denique Bataui, qui Heduos iuxta Ararim fluum & Auernos populum Aquitaniæ instructissimo equite protriuere. cum quibus olim ne ipse quidem Iulius congregari audiebat; quod aquis vndique sepirentur, & innumera gauderent populi multitudine. Freq:éter enim in Cæsarem circiter ducenta millia pugnatorum

torum eduxerunt. At Bataui milites imperterriti & equites, præcipuo natandi studio edocti, arma equosque retinentes, integris turmis nouerant flumina perrumpere, & ab insperato hostibus imminere. Per hos præterea C. Caligula & Claudius Impp. Britanniam tributariam effecerunt. Per hos Galba, Ottho & Vitellius sacri Imperij incubatores profligati & repulsi. Per hos denique Lingones in prouincia Lugdunensi, quos Vitellij motus turbauerat, in Imperatorum officio sunt retenti. Tam enim formidabile cunctis Batauorum erat nomen, ut grande viderentur momentum sociis, aut (prout inclinassent) aduersis; quod & Martialis poëta, & Domitiani culinarius testatur his verbis, dicens:

*Sum figuli lusus, rufi persona Bataui,
Quæ tu derides, hæc timet ora * Pater.*

Hæc Bataui, ut quam paucissimis plurima præteream, Imperio præstitere. Nec mentiar, si dicere velim, & congruis testibus asseuerare, nunquam per orbem, tantum terrarum sub Regibus ipsis usque ad Tarquinij Superbi expulsionem Romano adattum esse Imperio; quantum illi, vi stricibus armis, Batauo adiecere. Neque enim omnes ille veterum cruentæ victoriae, & tantis
emptæ

* Domitia-
nus.

emptæ calamitatibus, per ducentos fermè & quadraginta quatuor annos, tantum dilatare potuerunt Imperium, quantum illud suo tempore Bataui extendere. Sed dices; Quid rogo pro his omnibus præstitit Batauis Imperium? Plurimum, inquit, per omnem modum. In primis tanto eos Romani honore & gloria, amore & benevolentia (quibus neque melius neque amplius in natura mortalium est) & quidem quàm officiosissimè prosequuti sunt; ut illos nullo modo à se diuelli permiserint. Cum enim Fabius Valens præfectus Augustalis Batauos ab exercitu Romanorum diuidere destinasset; quòd paulò iactantius garrire, omnem belli fortunam in ipsorum manibus sitam; quodque simul ex petulantia (ut plerunque fit) perfidiam suspectabat: mox mœrere socij Romani, fremere Legiones, orbari se fortissimorum virorum auxilio. Veteres illos tot bellorum victores, diuque exercitos, postquam in conspectu sit hostis, veluti ex acie abduci; clamitantes Batauos Imperij sanitatem, sustentaculum, robur & columen. neque idè abrumpendos, ut corpori validissimos artus. Ceterùm tanta Romani Batauos fide & gratia donauerunt, ut suum inter eos erexerint armamentarium; in rebellium

bellum terrorem; & post plurima annorum curricula, illud vetustate conlapsum ad perpetuam mutui amoris memoriam instaurauerint. Quid de praesidiis dicam, quae in littore maris, ad tuendam sibi Batauiam ab incursu Barbarorum, olim posuerunt? Quid referam de aggeribus & collibus, quos tum in nostræ regionis fronte, cōtra maris æstum; tum in tergo aduersus Rheni excussum plurimis laboribus & impensis construxerunt? Quid denique loquar de Latinarum Schola literarum, quam ibidem ad Rhenum haud procul à castro (quod arcem dicimus Romanorum) aperuerunt? Videntes enim Batauinam iuuentutem procera pueritia, acrisque ingenio, si studium non decesset: linguam eorum suapte natura exsertam, vocalem, expeditam, & ad omnia habilem idiomata, & cui extremæ non excidunt tenuiter syllabæ; nec vox fauibus auditur, sed plano resonat pectore; sermoque profertur expressior: non potuere committere quin Romano eos instruerent eloquio, quorum industriam & linguam, suâ tum eruditam, sibi adhuc usui fore sperabant. Nam quoniam Batauia portuosa est, & mare ei apertum, quo ad omnes facillimâ nauigatione peruenias nationes: credebant Romani; in nullo

sibi

Schola.

sibi vtilius consultum iri, quām vt Batauorum pueros bonas artes omnēmque ciuitatem edocerent; vt vtriusque linguæ suffragio facilius ad subiugandas ignotæ sibi linguæ nationes perrumperent; & Batauos corundem iuuenum parentes, ea specie in officio acrius retinerent, quorum filiis tantam impendere curam videbantur. Tota nanque Romanorum spes & fiducia totius Germaniæ in fide conseruandæ, à solis tum visa est Batauis propendere; qui iam diu Germanorum bellis erant exerciti. ne si illi forsitan ab Imperio desciscerent; reliquæ Teutonum, imò & Galliarum nationes mox sequerentur. Nec multum absuit, si non frequenter cum illis Romani principes dissimulassent. Propterea enim, & quidem quām maximè Iulius Ciuilis præpotens inter Batauos periculo exemptus est; vt non cum Pompeio Belgicæ procuratore, & Julio Burduno Germanicæ classis præfecto, morte abriperetur. Causam rogas? Ne eius supplicio, (inquit Tacitus) gens ferox Batauorum à Romanis alienaretur. Tam formidata Romanis Batauorum virtus, tamque accepta fuit eorum fides & constantia.

Hactenus ex reconditissimis Veterum archiuis, verè de vera Batauorum regione, potentia,

potentia, societate & gratia cum Imperio, satis dixerimus. Reliquum est, ut nunc de nostræ insularis Batauiæ felicitate, quæ inter duo Rheni brachia sita est, per pauca dicamus. Hæc gemina Rheni ostia Plinius Helenum vocat & Fleuum. Illud prope Wala chriam, extremam Rheni & Salandiæ insulam, Oceanum petit. Istud verò circa Her lingum celebrem Frisiorum portum, & proximè Scellingiam in mare præcipitatur.

De insularis Batauiæ felicitate, cultu, delitiis & commerciis, vide finem libri secundi. in quem locum Aloysij Mariani elegantissima ea de re Epistola consultò recta est.

CORNE-